



Despues di 10 aña "Chicho Kock" ta bai cu e corona

Diahuebs último manera Aruba sa, tabatin e festival di Tumba cu a tuma lugá den Mansur Ballpark. Riba e anochi aki nos mester duna un pluimpje na nos músiconan cu tabata na ora y a mostra cu ora di traha profesional nan por haci esaki. E Festival a kibra varios record y nan ta como lo siguiente:

- 1 Record di start na tempo
- 2 Record di a caba na tempo
- 3 Record den vigilancia
- 4 Record di no a wordo filmá
- 5 Record di discusion di porcentaje

Un anochi sublime cu su detayitonan cu despues cu no lo sinta cu pa trece loke por a bai negativo pa drecha esaki. E aña aki tabatin hopi

tumba bon prepará y bon acabá.

E reglamentonan y convenionan cu a wordo stipulá a wordo cumplí 'al pie de la letra'. Pero tambe nos a tende cu Seguridad no kier a laga 2 cantante

pasa. Awel, no reclamá ASOMA. Reclamá e lider di banda cu no a dun'abo bo ticket pa drenta. Nos mes cu tabata sin ticket mester a warda nan trece nos ticket di entrada kiko ta un cantante.



Pero tambe nos por mencioná cu e anochi aki tabata uno bon hincá den otro. Tambe nos por bisa cu tabatin demasiado presion di parti e stage-manager cu a pone racket tras die promé bandanan p'asina no yega na loke a pasa den Calypso.

Awo despues di 10 aña Chicho ta logra bai cu e título di Rey cu un bon Tumba. Tambe na e

finalistanan Papito Rafael, Ramphys Tromp, Mario Stenen, Gi Raven nos palabra di pabien. Y finalizando Un pabien grandi na e Tumberonan manera Juancho Kock, Ito Dania, Papito Rafael, Casin Giel, Robert J'dor, bosonan tabata grandi riba e anochi aki Jammer genoeg cu nan no a graba esaki pa pasé na TV.!

